

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Inatsisartut imm. 185 (UKA2025)¹ oqaluuserineqarnerani, Naalakkersuisut Siulittaasuut Jens Frederik Nielsen ilaatigut oqarpoq “Amerikarmiut akuersaarnavianngilaat Naalagaaffinngupiloorneq ullumi”. Kisianni Amerikamiit (USA) qinikkat allatut uagutsinnut avammullu killormut oqarput^{2 3}. Naalakkersuisut namminneq isumaat naapertorlugu, Inuiaat Kalaallit maannakkut Naalagaaffinngornissamut aalajangiissappata, aalajangiineq Amerikamit (USA) ataqqineqassasorineqarpa?**

(Inatsisartunut ilaasortaq Juno Berthelsen, Naleraq)

Tunngavilersuutit:

Kalaallit Nunaata naalagaaffinngorniarnera pillugu assigiinngitsunik oqaaseqartoqarmat, ingammik Naalakkersuisut Siulittaasuata taavalu Amerika (USA) sinnerlugu qinikkanit, piviusoq ersarissarusullugu apeqqutit ingerlateqqinneqarput.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.

¹ Inatsisartut ulloq 2. februar 2026, UKA2025 immikkoortuata aappaa, imm. 185 oqaluuserineqarnerani.

² <https://www.knr.gl/kl/nutaarsiassat/amerikamiut-senatorii-sisamat-nuummiittut-kalaallit-nunaat-ikinngutigaaqarput>

³ <https://www.murkowski.senate.gov/press/release/murkowski-king-lead-bipartisan-delegation-to-greenland-to-show-respect-and-support-for-long-time-arctic-ally>